

01.09.2016.



Centri civilnih inicijativa (CCI), u saradnji sa Udruženjem poslodavaca BPK Goražde, održali su Forum “Javni socijalni/društveni dijalog” 01.09.2016.g. u hotelu Behar, Goražde.

Svrha Foruma je bila da se pokrene javni socijalni/društveni dijalog o svim otvorenim temama i preprekama za slobodno udruživanje i efikasnije kolektivno pregovaranje u Bosansko-podrinjskom kantonu, uz međusobno poštivanje i zajednički rad na efektivnijem socijalnom dijalogu. Na forumu je CCI predstavio i rezultate istraživanja sa prijedlogom preporuka koja su bila predmetom diskusije učesnika, a koje će nakon usaglašavanja predstavili javnosti s ciljem pritiska na donosiocje odluka za efektivniji socijalni dijalog.



Zaključak foruma je da smo svjedoci odsustva kvalitetnog i efektivnog dijaloga među socijalnim partnerima koji bi morao uključivati primarno reprezentativne sindikate i udruženja poslodavaca,

kao i vlade i resorna ministarstva. Postojeći socijalni dijalog nije prepoznat kao trajni proces kako bi se unaprijedili interesi poslodavaca i radnika, kao odgovor na dinamiku razvoja društva i poboljšanja poslovnog, radnog i socijalnog ambijenta.

Ovaj Forum je sastavni dio kampanje koju su CCI pokrenuli s ciljem doprinosa jačanju socijalnog/društvenog dijaloga i kolektivnog pregovaranja u oba entiteta kako bi se povećala socijalna kohezija i razvoj bosanskohercegovačkog društva.



Ekonomsko-socijalno vijeće je po mišljenju predstavnika CCI-a najsvrsishodnije mjesto za vođenje socijalnog dijaloga, te ga u tom slučaju treba unaprijediti na način da se oformi sekretarijat Ekonomsko-socijalnog vijeća pri Vladi BPK Goražde koji će imati finansijsku potporu, a ne da tehničku podršku daje Udruženje poslodavaca BPK Goražde kao što je to do sada bio slučaj.



Forumu je ispred Vlade BPK Goražde prisustvovao ministar za socijalnu politiku gosp.Damir Dučić, dok je sindikat BPK Goražde imao 6 predstavnika i to: sindikat metalaca, sindikat

osnovnog obrazovanja, sindikat srednjeg obrazovanja, sindikat zdravlja, sindikat komunalne privrede i sindikat policije, a forumu je prisustvovalo i pet poslodavaca.



Udruženje poslodavaca BPK Goražde je predstavilo prezentaciju kako vidi socijalni dijalog iz ugla poslodavaca

Naglašeno je da su se u Bosansko-podrinjskom kantonu Goražde stvorili uslovi za vođenje socijalnog dijaloga budući da su i Udruženje poslodavaca BPK Goražde i Savez samostalnih sindikata ispunili zakonske uslove vezane za reprezentativnost.

